

Sevi füresta

Son mia nasü chi,
sevi füresta;
ma pô, 'n bel dí
(ghé ja pasá
vinticinc agn
du cula festa)
son gnü a Barenc.
La prüma volta:
i sevi giuvna,
pena diplomá
e ... tantu inamurá.
Go 'n ment
c' leva d'istá
e 'n tu cula curt,
che dés l'è divintá
la mea,
a gheva 'na banchina
suta 'na pianta
an fiur
e sü cula banchina:
i noni.
Go 'n ment
che l'aria
leva prufümá
e 'l nonu
l'è livá sü 'n pe
e ma fai cumude.

Go 'n ment
Chi sevi timida,
parlevi poc
e ghevi 'n ca vargogna;
i mo sitam sü cula banca,
suta cul'umbria
e 'scultevi la nona:
ades i la capisi
povra dona!
La feva finta,
ma leva
un po' emuziuná
anca le,
cula giurná.
Ghe ja pasá
vinticinc agn;
sevi füresta,
rivevi
d'la Baraja 'd Sun.
Mi, dés, lá
go pü 'nzün;

tüt cul chi go
l'é chi:
la mé famiglia,
la ca, i amis.
Barenc
L'è 'L MÉ PAIS.